

說文古本考

說文古本攷第七卷上

嘉興沈濤纂


日部

日 實也太陽之精不虧从口一象形凡日之屬皆从日 𠄎 古文象形


濤案初學記一天部御覽三天部引象形下皆有又君象也四字蓋古本如是今奪事類賦引亦有此四字是宋初濤化年本猶未刊落

又案从口初學記作从○北堂書鈔天部同此象形字當如是作徐鍇祛妄引李陽冰云古文正圓象日形其中一點象鳥非口一蓋篆籀方其外引其點爾是虞氏徐氏所引皆據

古文之形今古文亦方外引點矣

旦明也从日者聲

濤案文選魏都賦謝靈運越嶺溪行詩七發三注引此字皆作曙乃崇賢以今字易古字耳非古本有曙無曙也後人不
知曙卽曙之變故玉篇分列二文廣韻析居二韻大徐增入
新附皆爲無識

明也从日勻聲易曰爲的𠄎

濤案易說卦釋文云昀說文作𠄎是古本昀字解無引易語
矣馬部𠄎字注引易曰爲𠄎顙正與元朗所見本合許君稱
易孟氏蓋孟氏本的作𠄎若又於昀字解稱易則是自亂其

例矣

𣎵明也从日光聲

壽案一切經音義卷三引晃明也耀也是古本有耀也一訓
廣雅釋言云晃暉也暉耀義近當本許書篇韻皆云晃正暉
同是古本篆體作晃

𣎵日旦出兒从日九聲讀若曷一曰明也

壽案詩匏有苦葉釋文引作讀若好字蓋古本如是驕人好
好爾雅作旭旭此旭好同音之證淺人誤謂好無旭音遂改
爲曷矣

又案藝文類聚一天部引日初出爲旭乃纂文語傳寫誤纂

爲說耳如日在午曰亭午在未曰昞云云許書斷無此語他書皆引作纂文或疑爲說文異本是不然矣

昞天清也从日安聲

濤案一切經音義卷五引天清也下有亦鮮翠之兒也六字當是說文注中語

𣎵星無雲也从日燕聲

濤案晉書音義上引𣎵日生無雲暫見也是今本星字乃日生二字誤并又奪暫見二字皆非

景光也从日京聲

濤案文選張載七哀詩注引景日光也蓋古本有日字今奪

以昏訓日冥晷訓日景例之當有日字他處有引無日字者
乃節取之例淺人遂據以刪本書矣

晷日出兒从日告聲

濤案一切經音義卷十八引晷廣大也光明也當是古本之

一訓今奪

晡光也从日从𠂔

濤案文選西都賦注引晡草木白華兒疑古本一曰以下之

奪文

𠂔晚也从日干聲春秋傳曰日𠂔君勞

濤案文選謝朓酬王晉安詩注引𠂔日晚也蓋古本有日字

今奪此與景字訓之當有日字同例

𣎵日景也从日咎聲

濤案文選魏都賦注引晷景潘尼贈陸機出爲吳王郎中令詩陸機長訝行張華雜詩三注皆引晷景也此傳寫奪日字非古本無之他書所引及選注他篇所引皆有日字可證

𣎵日冥也从日氏省氏者下也一曰民聲

濤案六書故云唐本說文从民省晁說之曰因唐諱民故改爲氏也錢少詹曰氏與民音義俱別依許祭酒例當重出昏云或作昏民聲今附於昏下疑非許氏本文頃讀戴侗六書故云云然則說文元是昏字从日民聲唐本以避諱減一筆

故云从民省徐氏誤以爲氏省氏下之訓亦徐所附益又不
敢輒增昏字仍附民聲於下其非許元文信矣漢隸字原昏
皆从民婚亦从昏民者冥也與日冥之訓相協唐石經遇民
字皆作民而偏傍从民者盡易爲氏如岷作岷泯作泯緡作
緡瘠作瘠磻作磻瞽作瞽愍作愍蠹作蠹之類不一而足則
昏之爲避諱省筆無疑

又案五經文字云緣廟諱偏旁準式省从氏凡泯昏之類皆
从氏張參唐人目覩當時令甲其言必信而有徵昏字之改
在顯慶二年十二月見舊唐書高宗紀

𡇗 不明也从日奄聲

濤案文選南都賦注引晦不明兒北征賦注一切經音義卷
十二皆引同今本義得兩通

晦月盡也从日每聲

濤案文選江淹雜體詩注引晦盡也乃崇賢節取盡字之義
以詩中寂歷百艸晦不可言月也郭璞遊仙詩注引同今本
可見古本非無月字

噎陰而風也从日壹聲詩曰終風且噎

濤案御覽十三天部引噎天陰沈也蓋古本如此今本涉詩
傳爾雅而誤耳釋名釋天云噎翳也言雲氣晦翳日光使不
明也噎翳不明卽陰沈之意王觀察謂詩終風且暴終猶旣

也終風且暴言旣風且暴則終風且暄言旣風且暄耳暄字自有本訓初不必兼風而言開元占經一百一引暄天地陰沈也傳寫衍一地字是古本相同益見今本之誤

昱明日也从日立聲

濤案一切經音義卷九引作日明也蓋古本如是今本誤倒其文耳太元經曰日以昱乎晝月以昱乎夜注云昱明也是昱訓日明非訓明日玉篇亦云昱日明也

𣎵晞也从日从収从米𣎵古文暴从日𣎵聲

濤案一切經音義卷一卷二卷三卷九卷十四卷十七卷十九卷廿一皆引作晞乾也是古文有乾字又音義卷一卷三

卷九卷十九卷廿一引米下有字意也三字卷十四有字意二字卷二有亦字意也四字乃元應以爲許書會意字足成其語非本文有此數字也

𤇗 乾也耕暴田曰𤇗从日董聲易曰燥萬物者莫𤇗乎離

濤案詩中谷有蕓正義引𤇗燥也易曰燥萬物者莫𤇗乎火是古本作燥不作乾然文選南都賦注仍引作乾義得兩通離當作火小徐本尙不誤又有火離也三字恐是衍文說卦釋文引作𤇗𤇗也當是傳寫有誤

𤇗 乾也从日希聲

濤案一切經音義卷二十引日乾曰𤇗𤇗乾之也是古本乾

上有日字今奪下句乃元應釋經文晞字

𠄎 日乾肉也从殘肉日以晞之與𠄎同意𠄎籀文从肉

濤案五經文字云𠄎象肉文得日而乾蓋古本如是今本作从殘肉者誤

𠄎 日狎習相慢也从日執聲

濤案五經文字此字从執蓋古本當作執聲不作執聲本書從執之字每誤從執𠄎聲相近衣部𠄎字從執可證

𠄎 旦明日將出也从日斤聲讀若希

濤案一切經音義卷十三引旦明下有也字蓋古本分爲兩語此字不可刪小徐本尙不誤禮記文王世子釋文引同今

本疑後人據今本妄刪

𡗗部

補
𡗗

濤案六書故引唐本說文曰幹溼之幹也今本無幹字蓋古
本有之幹溼之幹也語頗不詞當是唐本以此爲幹溼之幹
戴氏曰幹居寒切溼去也疑卽引唐本說文訓詁語幹爲經
典通用字不應許書無之惟經典所用如貞固者事之幹以
及幹父之蠱其訓正訓事者皆引申之義而本義則爲幹溼
正字其或作乾諸書通用或作干北齊治疾方皆假借字或作𡗗唐三墳記
別體字

𠂔部

𠂔 旌旗之游𠂔蹇之兒从𠂔曲而下𠂔𠂔相出入也讀若偃
古人名𠂔字子游凡𠂔之屬皆从𠂔𠂔古文𠂔字象形及象旌
旗之游

濤案爾雅釋天釋文凡旌旗之字皆从𠂔𠂔音偃說文云旌
旗得風靡也蓋古本如是下古文云象旌旗之游若正字亦
如此解則不煩複舉矣

旒 龜蛇四游以象營室游游而長从𠂔𠂔聲周禮曰縣鄙建
旒

濤案隋書禮儀志引許慎曰旒有四游以象營室乃槩括其

詞非古文如是

𧣾 熊旗五游以象罰星士卒以爲期从𠂔其聲周禮曰率都建旗

濤案大唐類要引罰作伐與攷工記合蓋古本如是韻會與小徐本皆作伐則作罰者傳寫之誤五游亦當從周禮作六游

𧣾 導車所以載全羽以爲允允進也从𠂔遂聲𧣾旌或从遺濤案御覽三百四十兵部引載上無以字羽下無以爲字允允下有而字蓋古本如是允允而進猶言緩緩而進與游游而長沛然而垂一例今本義不可通

檣建大木置石其上發以機以追敵也从𠂇會聲春秋傳曰
旂動而鼓詩曰其旂如林

濤案晉書音義卷中引作發以擊敵御覽三百三十七兵部引
以機作其機追敵作拒敵義皆得兩通注有一云从衣會聲
六字豈古本尙有重文或字邪然衣部自有从衣从會之字
恐傳寫有誤

又案發以機大唐類要一百廿六武功部引作巧發爲機蓋古
本如是今本以字有誤巧字尤不可少旂字从木作檣

又案左傳桓五年釋文云旂旃也說文作檣建大木置石其
上發機以碓敵據此則元朗所見本从部無旂字建大木云

云乃木部檜字之一解御覽所云从衣會聲乃从木會聲之誤正義則云賈逵以旛爲發石一曰飛石引范蠡兵法作飛石之事以證之說文亦云建大木置石其上發機以礮敵與賈同也案范蠡兵法雖有飛石之事不言名爲旛也發石非旛旗之比說文載之𡗗部而以飛石解之爲不類矣是冲遠所見說文正作旛字在𡗗部當時陸孔所據已各不同如此又案三國魏志袁紹傳注引魏氏春秋曰傳言旛動而鼓說曰旛發石也乃傳寫奪一文字車字類要御覽所引魏武本紀卽魏氏春秋之文

又案御覽又引魏武本紀曰上與袁紹軍於官度上令傳言

旂動而鼓說文曰旂發石車也乃造發石車擊紹魯云云大
唐類要百二十六部所引亦同而字作檜與陸氏所據本
同雖發石車也四字乃櫜括節引然當時說解必有車字陸
孔所引已不見此字此許書之本所以愈古愈妙也

旂 旗曲柄也所以旂表士眾从𠂆丹聲周禮曰通帛爲旂旒
旒或从亶

濤案史記武安侯傳索隱引曲旂者所以招士也御覽三百
四十兵部引作所以招士眾也白帖五十八引旂曲把旗以
招士也蓋古本如是今本旂表二字義不可通漢書田蚡傳
注師古引同今本乃後人據今本改

旂

旗兒从𠂔也聲齊藥旂字子旗知旂者旗也

濤案汗簡卷下之一旂旂見說文是古本此字尙有重文今

奪

旂

旂旗之旂也从𠂔汙聲繼古文游

濤案文選東京賦注引旂旂旂旂也旂卽游字之省旂旂二

字疑旂旂二字之誤

旅

軍之五百人爲旅从𠂔从从俱也

濤案廣韻八語引作軍五百人也蓋古本如是今本義得兩

通而不合全書訓解之例

冥部



冥也从日从六一聲日數十十六日而月始虧幽也凡冥之屬皆从冥

濤案文選魏都賦注引冥幽昧也思元歎逝二賦注陶潛還江陵夜行塗口詩注引冥窈也蓋古本作冥幽昧也一日窈也今本爲二徐妄刪詩斯千傳冥幼也崔靈恩本作窈音杳此冥訓窈之証

又案一切經音義卷十七引冥幽也幽闇也冥字从日从六日數十十六日而月始虧幽也一聲卷二十四引冥幽也亦夜也字从一从日从六日數十十六日而月始虧冥字意也不但與文選注所引不同而兩引各有舛異後漢書張衡傳

注又引冥冥也蓋所據本既不同傳寫又復有誤其義亦得兩通要不得如今本所云耳

晶部

 星萬物之精上爲列星从晶生聲一曰象形从口古口復注中故與日同星古文星 星或省

濤案五行大義論七政引云星者萬物之精或曰日分爲星故其字日下生此釋重文星字之義本春秋說題辭許君解字多用緯書說今本爲二徐所妄刪


月部

 闕也太陰之精象形凡月之屬皆从月

濤案止觀輔行傳一之二引月者闕也有盈有虧故名爲闕是古本尙有有盈有虧八字今奪

又案止觀輔行傳三之四引月者亦名望舒月望則舒蓋古本有此十字今本爲淺人所刪此所引或在壬部望字注

又案止觀輔行傳三之四引月者亦名恆娥亦名常娥月初月未恆常如娥數語今本亦奪

月一日始蘇也从月苒聲

濤案文選郭璞遊仙詩注引朔月一日始也乃傳寫奪一蘇字非古文無之

月未盛之明从月出周書曰丙午朏

瀟案御覽四天部引朏月未成明也蓋古本如是今本傳寫
誤成爲盛淺人遂刪去也字加一之字以就文義可謂無知
妄作矣釋名釋天朏月未成明也正本許書文選月賦注引
作月未成光光明義得兩通尙書畢命正義及玉篇引同今
本疑淺人據今本改

朏月始生霸然也承大月二日承小月三日从月霽聲周書
曰哉生霸參古文霸

瀟案御覽四天部文選月賦注曹植應詔譙曲水詩注引霸
然作魄然蓋以通用字代正字自當以作霸爲是御覽小注
中又引承大月月生二日謂之魄承小月月生三日謂之朏

肫音斐則承大月云云乃說文注中語非許書原文今本竄入正文而又妄加刪節誤矣

又案書武成釋文云魄說文作霸云月始生魄然見元朗既云說文作霸則魄然必作霸然後人傳寫誤耳也見義得兩通鄉飲酒義釋文仍引作也

𠂔朔而月見東方謂之縮𠂔从月內聲

濤案文選月賦注引𠂔朔而月見東方縮𠂔然蓋古本如是此與始生霸然一例今本乃淺人妄改篆文亦當作𠂔字又引無朔而二字蓋奪

固部

四窗牖屢屢圖明象形凡囙之屬皆從囙讀若獮賈侍中說讀與明同

濤案一切經音義卷五引憲牖問明白囙閒乃闔字傳寫之誤

囙周禮曰國有疑則盟諸侯再相與會十二歲一盟北面詔天之司慎司命盟殺牲歃血朱盤玉斂以立牛耳从囙从血盟篆文从明盟古文从明

濤案汗簡卷中之一盟作盟是古本古文篆體如此今本微誤

夕部

𠂔雨而夜除星見也从夕生聲

濤案廣韻十四清引星見作見星蓋古本如是見星星見義得兩通然史記天官書曰天曜而見景星則作見星爲是又案生聲疑當作星省聲史記作曜蓋从星不省而又誤夕爲日耳

外遠也卜尙平旦今夕卜於事外矣外古文外

濤案玉篇引作表也遠也是古本尙有表也一訓今奪

多部

𠂔重也从重夕夕者相釋也故爲多重夕爲多重日爲疊凡𠂔之屬皆从多𠂔古文多

濤案汗簡卷中之一云多見說文是古本重文不作𠂔矣
𠂔與正篆重出當以汗簡所據篆體爲正

補
𠂔

濤案詩螽斯釋文云𦉑𦉑所巾反眾多也說文作𦉑音同是
古本有𦉑篆今奪又焱部榮字解云讀若詩曰莘莘征夫莘
莘當作𦉑𦉑

𠂔部

𠂔𠂔獲也从𠂔从力𠂔聲

濤案汗簡卷中之一引演說文𠂔字作𠂔𠂔字似不宜从貝
疑或貫字之異文傳寫誤也

弓部

𠂔 𠂔也艸木之華未發函然象形凡弓之屬皆从弓讀若含

濤案玉篇引華下有實字蓋古本如是今奪下文東部東草

據玉篇增木垂華實亦兼華實言也

𠂔 舌也象形舌體弓从弓亦聲𠂔俗函从肉今

濤案詩行葦釋文引云函舌也又云口裏肉也是古本有一

曰口裏肉也六字今奪

東部

東 木垂華實从木弓亦聲凡東之屬皆从東

濤案玉篇引木上有草字蓋古本如是今奪

片部

片判木也从半木凡片之屬皆从片

濤案五經文字云片象半木形蓋古本如是半木不可言从部首率多象形字

牘書版也从片賣聲

濤案後漢書蔡邕傳注引牘書版也長一尺蓋古本如是今本奪下三字

牒札也从片葉聲

濤案文選吳都賦注劉孝標廣絕交論注引牒記也一切經音義卷三引牒禮也姚尙書日記禮皆字形相近之譌禮古

文作礼赭白馬賦及七命注左氏昭二十五年正義引作札
隔穿壁以木爲交窗也从片戶甫譚長以爲甫上目也非戶
也牖所以見日

濤案文選鸛鵲賦注引無木交二字蓋古本如是在牆曰牖
在屋曰窗正不必用木亦并不必交也

鼎部

鼎三足兩耳和五味之寶器也昔禹收九牧之金鑄鼎荆山
之下入山林川澤螭魅罔兩莫能逢之以協承天休易卦巽木
於下者爲鼎象析木以炊也籀文以鼎爲貞字凡鼎之屬皆从

鼎

濤案聚類七十三雜器物部引寶器作彝器義得兩通收作貢御覽七百五十六器物部亦作貢蓋古本如是入山林上御覽有民字亦古本有之今奪類聚民作以蓋避唐諱作人傳寫又誤爲以耳

又案類聚又引鼎上大下小五字今本亦奪

又案小徐本作古文以貞爲鼎籀文以鼎爲貞郭忠恕佩觿云古文以貞爲鼎籀文以鼎爲則皆與大徐本不同佩觿則字當是貞字傳寫之誤

青鼎之圖掩上者从鼎才聲詩曰鼂鼎及鼂籛俗鼂从金从

兹

濤案詩絲衣釋文云稟音茲小鼎也說文作鎡字音茲是古
本引詩在重文之下且作鎡不作稟矣今本乃二徐據當時
所傳毛詩本改

克部


𠂔肩也象屋下刻木之形凡克之屬皆从克𠂔古文克𠂔亦
古文克

濤案汗簡卷中之一引顏黃門說文克字作𠂔顏黃門者北
齊顏之推也然則之推亦有說文矣

禾部

禾嘉穀也二月始生八月而孰得時之中故謂之禾禾木也

木王而生金王而死从木从𣎵省𣎵象其穗凡禾之屬皆从禾
澇案齊民要術引二月上有以字得時之中作得之中和文
選思元賦注引二月生八月孰得中和故曰禾是古本二月
上有以字得時之中作得時之中和今本奪和字耳金王而
死思元賦注引作木衰而死蓋亦古本如是以證从木之義
也藝文類聚八十五百穀部引始生作而種後漢書張衡傳
注初學記二十七引二月上有至字皆與今本不同

禾之秀實爲稼莖節爲禾从禾家聲一曰稼家事也一曰
在野曰稼

澇案初學記花艸部引無家字蓋傳寫偶奪

穧穀可收曰穧从禾齒聲

濤案御覽八百二十四資產部引穧穀可收齒也蓋古本如是詩桑柔釋文引王注云穧收穧也收穧卽收齒雙聲字

穧疾孰也从禾耑聲詩曰黍稷穧穧穧或从麥

濤案詩七月釋文引後種先孰曰穧蓋古本如是周禮內宰注鄭司農云後種先孰謂之穧幽風傳亦云先孰曰穧是毛鄭許皆同也

穧稻紫莖不黏也从禾冀聲讀若靡

濤案齊民要術二引作稻紫莖不黏者御覽八百三十七百穀部引作稻紫莖不黏者也是古本多一耑字

秠稷之黏者从禾朮象形朮秠或省禾

澣案匡謬正俗八引作秠稷杭者杭當爲黏字之誤爾雅眾秠注云謂黏粟也齊民要術引孫炎注同其引說文亦同今本諸家說秠皆爲黏粟杭本稻屬無緣屬稷此蓋傳寫之誤不得疑古本如是也

又案御覽八百三十九百穀部引廣雅曰秠稷稷也似與顏氏所引說文同矣今本廣雅云秠稷也稷本黏稻之名無緣釋秠竊意廣雅當作秠稷稷也今人猶以凡物之柔軟者爲稷猶言稷之黏者御覽傳寫誤稷爲稷今本又奪一稷字耳崔豹古今注曰稻之黏者爲秠稻當爲稷字之誤

又案初學記花艸部引稊稷之粘者也又曰稊粘粟也是古本尙有一解

糝 糝也从禾祭聲

溥案一切經音義卷十五卷十七皆引糝糝也似黍而不黏者關西謂之糝是古本尙有似黍以下十一字今奪卷十六引同無糝也二字

稭 稭也从禾谷聲

稭 稭也从禾余聲周禮曰牛宜稭

溥案匡謬正俗八引稭稭也沛國謂稭爲稭蓋古本如是爾雅釋草稭稭注曰今沛國呼稭景純當本許書爲說今本稭

字注云沛國謂稻曰稭蓋因聲近傳寫譌誤又移於稭字之下不知稭爲黏稻非稻之總名亦非僅沛國呼之也惟沛國謂稻爲稭句當爲稭字注不當爲稻字注顏氏書疑亦傳寫誤倒

又案爾雅釋艸釋文引同今本亦云依說文糯卽稭也是元明所見之本與二徐本同矣然稭究不得爲稻之總名自當以師古所引爲正

又案爾雅釋文引字林云糯黏稻也糯卽稭字之俗字林之訓當本說文以下文稭稻不黏者例之稭字注當云稻之黏者

又案御覽合四言穀部引稌麋也麋爲稌字之解而御覽列
于稌條自非傳寫之誤當是古本有此一解

稌 稻不黏者从禾兼聲讀若風廉之廉

濤案初學記二十七寶器部引作稻紫莖不黏者桂大令曰疑誤
引稌字訓

穞 芒粟也从禾廣聲

濤案一切經音義卷十一引穞芒穀也卷十八又引穞芒麥
也是古本不作粟字周禮稻人澤艸所生種之芒種注引鄭
司農云芒種稻麥也稻麥不得稱粟穀麥義得兩通

稌 禾別也从禾卑聲琅邪有稌縣

濤案文選七啟注引稗禾別名稗爲艸之似穀別當讀爲分別之別自當作也不當作名選注乃傳寫之誤

穎禾末也从禾頃聲詩曰禾穎穰穰

薄案文選魏都賦注引穎穗也蓋古本如是詩生民寔穎寔粟傳曰穎垂穎也書序異畝同穎僞孔傳云穎穗也文選思元賦旣垂穎而穎本兮崇賢引舊注曰穎穗也小爾雅廣雅釋物禾穗謂之穎則穎實訓穗今本乃二徐妄改後漢書張衡傳注云穎穰也穰亦穗字之誤詩生民正義御覽八百三十九百穀部引同今本疑後人據今本改

禾成秀也人所以收从爪禾穗采或从禾惠聲

瀉案一切經音義卷八卷十二兩引禾成秀人所收者穗也
卷二十二引禾成秀人所收者曰穗也爾雅釋艸釋文引穗
禾成秀人所收也合四引互訂古本當如元朗所引今本以
字誤衍無疑

又案爾雅釋艸釋文云穗俗字是古本不云或體也小徐本
采或二字亦作俗

穠

禾采之兒从禾穠聲詩曰禾穎穠穠穠穠或从艸

濤案爾雅釋艸釋文引作禾垂之兒是古本不作采五經文
字亦云穠禾垂兒

穠

耕禾間也从禾農聲春秋傳曰是穠是袞

濤案詩載芟爾雅釋訓釋文皆引作耨鋤田也蓋古本如是
釋文又別引字林云耕耨間也則今本乃二徐以字林改說
文耳

穫 利穀也从禾獲聲

濤案御覽八百二十四資產部一切經音義卷三卷五卷九
卷十二皆引作刈禾也是古本作禾不作穀易无矣不耕穫
集解引虞注云禾在手中故稱穫蓋釋所以从獲之意也

糠 穀皮也从禾从庚聲麤糠或省

濤案爾雅釋器釋文云康說文作糠或省禾是古本省下有
禾字

稻禾稾去其皮祭天以爲席从禾皆聲

濤案一切經音義卷十四引作祭夫以爲藉也蓋古本如是
今本作席乃音近而誤史記封禪書索隱引作祭天以此乃
引書者臆括之語

穠黍稷已治者从禾襄聲

濤案一切經音義卷四引作黍治竟者也治竟已治義得而
通卷十五又引穠黍稷也禾穠也義不可曉恐是傳寫有誤
穠續也百穀之總名从禾設聲

濤案一切經音義卷六御覽八百三十七百穀部引皆作百
穀總名也是古本無之字有也字

𥽿禾也从禾道聲司馬相如曰渠一莖六穗

濤案史記相如傳案隱引嘉禾一名渠是古本禾上有嘉字
今奪顏氏家訓稱說文云渠是禾名是黃門所據本亦無嘉
字

𥽿禾穀孰也从禾𥽿省聲𥽿籀文不省

濤案御覽二十四時序部引天地反物爲秋字从禾𥽿省聲
是古本有天地反物爲秋六字反物字義不可曉然五行大
義釋五行名亦引天地反物爲秋其位西方是反物二字非
傳寫之誤姑从闕疑

𥽿品也十髮爲程十程爲分十分爲寸从禾呈聲

濤案類聚五十四御覽刑法部皆引作十發爲程十程爲寸
發乃髮字傳寫之誤段先生曰百髮爲分斷無是理蓋古本
當如二書所引今本爲分十分四字衍

又案文選長笛賦注引程示也蓋古本尙有此一解

𥝱 二秭爲秬从禾匕聲周禮曰二百四十斤爲秉四秉曰筥
十筥曰稷十稷曰秬四百秉爲一秬

濤案廣韻九麻引秬秭也乃傳寫奪二字又引周禮云聘禮
曰十斗曰斛十六斗曰簋曰秉四秉曰筥十筥曰稷十稷曰
秬蓋古本如是今本爲二徐妄改

補
𥝱

澇案詩黍離釋文云說文作稿則古文當有稿篆且有引詩
彼黍稷之語今本爲二徐妄刪玉篇云稿長沙云禾把也
廣韻五支云長沙人謂禾二把爲稿未知本於許書否

補
稿

澇案艸部稊从艸稊聲是本有稊字易枯楊生稊虞翻云稊
稊也夏小正柳稊傳云稊也者發字也

黍部

黍从禾屬而黏者也以大暑而種故謂之黍从禾雨省聲孔子
曰黍可爲酒禾入水也凡黍之屬皆从黍

澇案廣韻八語黍說文云禾屬而黏也引孔子曰黍可爲酒

故从禾入水也龍龕手鑑亦引孔子曰黍以可爲酒故从禾入水也蓋古本禾字上尙有故从二字黍本會意字从禾从入从水說文部首罕有形聲者兩省聲之語乃後人妄羈黍可爲酒二語當亦緯書說許君引以解字二徐刪去故从二字妄矣

香部

香之遠聞者从香聲歆猶文

濤紫華嚴經音義卷七十五引謂香之遠聞也蓋古本者字作也謂字慧苑所足

補


補

醴

濤案文選上林賦注引醴醴香氣奄醴也又云醴醴與醴
音義同蓋以賦文作醴醴字崇賢引許書以證醴醴之卽醴
菱耳則古本必有此二篆今奪

米部

糲

酒滓也从米曹聲糲籀文从酉

濤案御覽百六飲食部引無酒字乃傳寫誤奪

糲

乾也从米葡

濤案後漢書明帝紀注隗囂傳注文選弔魏武帝文注一切
經音義卷十五皆引糲乾飯也是古本有飯字御覽八百六

十飲食部引糲乾食也食乃飯字傳寫之誤可見古本皆有此字此字必不可奪元應書又有一曰熬大豆與米也是古本尙有一解然本部糲熬米麥也周禮注引鄭司農云糲熬大豆與米也則熬米豆之訓屬糲不屬糲恐元應書傳寫有誤

糲熬米麥也从米臭聲

滄案御覽八百六十飲食部引糲熬米也乃傳寫奪一麥字非古本無之尙書費誓正義引有麥字可證


糲糧也从米胥聲

滄案龍龕手鑑引作梁米也精爲祭神精米似不應訓爲糧


說文古本攷第七卷下

嘉興沈濤纂

耑部

物初生之題也上象生形下象其根也凡耑之屬皆从耑
濤案其根玉篇引作生根蓋傳寫之誤

韭部

菜名一種而久者故謂之韭象形在一之上一地也此與
耑同意凡韭之屬皆从韭

濤案爾雅釋艸釋文引久上有長字御覽九百七十六菜部
引作菜一種久而生也久而生當作而久生此與今本皆義
可兩通今本蓋奪生字

瓜部

𤰪 𤰪也象形凡瓜之屬皆从𤰪

壽案玉篇及廣韻九麻皆引𤰪作𤰪蓋古本如是所謂在地曰𤰪今本作从二瓜之字非其義也

𤰪 小瓜也从瓜熒省聲

壽案齊民要術二引作小瓜𤰪也是今本奪一𤰪字

𤰪 瓜中實从瓜辨聲

壽案初學記二十八果木部引作瓜實也乃傳寫奪一中字

詩東山正義文選謝惠連祭古冢文注引同今本可證

瓜部

家居也从山豸省聲家古文家

濤案御覽百八十一居處部引內謂之家上文云牖戶之間謂之展皆爾雅釋宮文恐傳寫誤爲說文耳

又案汗簡卷中之一篆體作𡩂是今本古文篆體微誤

宅所託也从宀毛聲𡩂古文宅𡩂亦古文宅

濤案御覽百八十居處部引宅人所託也是今本奪一人字廣韻二十陌又引宅託也人所投託也此乃古本之完文

育養也室之東北隅食所居从宀臣聲

濤案爾雅釋宮釋文云臣音怡李云東北者陽氣始起育養萬物故曰宦養也說文訓同云說同則說文當亦謂陽氣始

起育養萬物與李注略相似矣今本殆爲二徐妄刪

窳宛也室之西南隅从彡聲

濤案爾雅釋宮釋文引彡室也蓋古本如是禮記仲尼燕居云目巧之室則有奧昨論語孔注曰奧內也爾雅釋宮注云室中隱奧之處宛爲屈艸自覆非其義一切經音義卷六引彡究也乃傳寫之誤究訓爲窮亦非其義

𡩂屋邊也从宀干聲易曰上棟下宇𡩂猶文字从禹

濤案一切經音義卷七卷二十五引作屋邊檐也是古本有檐字今奪

𡩂安也从宀心在皿上人之飲食器所以安人

濟案廣韻十五青人之上有四字蓋古本如是飲食作食飲
乃傳寫誤倒

寔止也从宀是聲

濟案一切經音義卷二十三引寔止也亦實也是古本尚有
實也一訓

寔無人聲从宀未聲誦寔或从言

濟案一切經音義卷十一引寔寔蓋古本有一曰寔寔也五
字寔乃寔字之俗

寔至也从宀親聲

濟案廣韻十九真以寔爲親之古文則古文此字乃見部重

文二徐誤竄於此秦嶧山碑親巡遠方作親馳遠方親爲親之古文有徵矣

𡩺

臥也从宀侵聲𡩺縮文寢省

濤案汗簡卷中之一云𡩺寢𡩺上同並見說文則許書尙有重文寢字矣𡩺亦从宀不从一

宙

舟輿所極覆也从宀由聲

濤案漢書相如傳注引宙舟輿之所極覆也是古本有之字史記相如傳正義引無覆字蓋傳寫偶奪莊子齊物論釋文引舟輿所及覆曰宙庚桑楚釋文引舟輿所極覆爲宙皆引書彙括之例非古本如是又文選江賦注引輿作車義得兩

通

補
𡩋

濤案詩召旻皋皋訛訛傳曰訛訛𡩋

刊本誤作𡩋

不供事也釋文

云𡩋音庚說文云嬾也正義曰釋訓云翕翕訛訛莫供職也是訛訛爲𡩋不供其職也說文云𡩋嬾也草木皆自豎立唯瓜瓠之屬臥而不起似若嬾人常臥室故字从宀音眠是陸孔所據本皆有𡩋字訓解爲嬾正義明言字从宀音眠則字不从宀作𡩋字者非草木皆自豎立云云當亦許書本文一切經音義卷十四引楊承慶云嬾人不能自起瓜瓠在地不能自立故字从𡩋又嬾人恆在室中故从宀从𡩋乃从宀之

諺字統當亦本許書爲說爾雅釋詁愉勞也郭注云勞苦者
多情愉今字或作𡩇一切經音義卷九卷十卷十一卷十四
卷十五卷十七卷十九引爾雅經注皆作𡩇不作愉是元應
所據本𡩇爲正字注又當云今字或作愉今𡩇愉互易而又
譌𡩇爲𡩇元應書亦誤作𡩇皆後人妄改宋版邢疏引郭注
从宀不从穴則改之未盡者臧明經曰史記貨殖列傳以故
皆𡩇偷生徐廣曰皆𡩇苟且墜嬾之謂也駟案晉灼曰𡩇病
也索隱曰𡩇音庾漢書五行志茲謂主𡩇臣天孟康曰謂君
情𡩇用人不以次第爲天也師古曰𡩇音庾曰𡩇情也商子
戀令篇農無得糴則𡩇惰之農勉疾又𡩇情之農勉疾商欲

農則草必懇矣又惰民不麻而庸民無所於食是必農又愛
子惰民不麻則故田不荒鹽鐵論通有篇然後皆麻偷生好
衣甘食論衡命義篇稟性軟弱者氣少泊而性羸羸麻則
壽命短文選枚乘七發血脈淫濯手足惰麻李善注應劭漢
書注曰麻弱也餘乳切此皆說文麻字之證也玉篇山部廣
韻九夔皆無麻字故諸書誤以麻字當之然說文此部皆麻
也闕玉篇此部皆史記云皆麻偷生謂苟且也廣韻四紙皆
麻也則說文玉篇俱有麻字可於注中驗之雖今本亦誤同
諸書从穴據其義知本从山也其說甚辨而確當補麻篆
又案集韻九嘆麻懶也史記皆麻偷生勇主切類篇麻勇主

切嬾也史記諸麻偷生是宋本史記此字从山不從穴麻麻
不得渾而爲一

宮部

𡩂市居也从宮雙省聲

濤案文選西京賦注引營惑也乃古本一曰以下之奪文

呂部

𠂔脊骨也象形昔太嶽爲禹心呂之臣故封呂侯九呂之屬
皆从呂𠂔篆文呂从肉从旅

濤案一切經音義卷十九卷二十二兩引呂脊骨也太岳爲
禹臣委如心呂因封呂侯也蓋古本如是今本義雖得通而

非許書真面目矣玉篇引同今本疑後人據今本改

穴部

𡩺

土室也从宀八聲凡穴之屬皆从穴

濤案土室詩縣正義引作土屋義得兩通

𡩻

地室也从穴復聲詩曰陶覆陶穴

濤案詩綿釋文云復說文作覆是古本稱詩作覆不作覆也
宋小字本亦作覆許君引詩于覆字之下自應作覆

𡩼

炊竈也从穴竈省聲𡩼竈或不省

濤案史記孝武本紀索隱引周禮以竈祠祝融蓋古本有此
七字淮南時則訓孟夏之月其祀竈注云祝融吳回爲高辛

氏火正死爲火神託祀於竈是月火旺故祀竈禮記正義引作經
異義古周禮說顓頊氏有子曰黎爲祝融祀以爲竈神然則
許君所稱周禮者謂古周禮說也二徐以爲周禮無此文而
刪之矣

𤇗深也一曰竈突从穴从火从求省

濟案汗簡卷中之二引演說文𤇗字作𤇗據許書則突爲𤇗
之从聲庚氏蓋以突𤇗爲一字

𤇗汗衺下也从穴瓜聲

濟案文選長笛賦注引作邪下也乃傳寫奪一汗字吳都賦
注引同今本可證玉篇所引亦同

𡩂空也从穴敷聲

濤案莊子應帝王釋文引空作孔義得兩通

𡩂空也从穴至聲詩曰瓶之窒矣

濤案一切經音義卷九引作器中空也是古本尙有器中二字今本奪以引詩語證之此二字不可少

𡩂坎中小坎也从穴从自自亦聲易曰入于坎窞一曰勞入也

濤案易坎卦釋文窞引說文云坎中更有坎蓋古本如是又別引字林云坎中小坎一曰勞入則今本乃後人據字林改耳文選長笛賦注引同今本或古本亦有如是作者

𡩂 𡩂也从穴卯聲

濤案史記建元以來侯者年表索隱云南雍侯公孫賀說文以爲从穴是古本說解中必有引漢表南雍侯語故小司馬云然今本乃爲二徐妄刪

𡩂 地藏也从穴告聲

濤案一切經音義卷二十引窖地藏也又云穿地爲室藏五穀者也又云當爲注云之誤乃庾氏注中語以釋地藏之義非許書之一訓也淺人不知說文有注而妄改之

𡩂 穿木戸也从穴兪聲一曰空中也

濤案一切經音義卷九引窰門旁穿木戸也是古本有門旁

二字禮儒行華門圭竅注云門旁竅也穿牆爲之如圭矣釋文引三蒼解詁云圭竅門旁小竅也是竅爲門旁穿木之戶不得刪去此二字儒行釋文引同今本乃元朗節引非古本無此二字也玉篇又引禮記曰華門圭竅當亦許氏稱經語而今本奪之

窺小視也从穴規聲

濤案一切經音義卷七引窺關小視也關字乃傳寫誤衍他卷皆引同今本可證

穴犬從穴中暫出也从犬在穴中一曰滑也

濤案龍龕手鑑引無暫字蓋傳寫偶奪

𡩂 官交深也从穴交聲

濤案爾雅釋宮釋文云交說文云深貌本或作官又作交同是元朗所見本在𡩂部訓爲深兒與今本不同今𡩂部無交字而有官字云室之東南隅則釋文云本或作官者當作本或作官疑古本交爲官之重文官字解當云深兒今本戶樞聲無義

𡩂 深遠也从穴遂聲

濤案華嚴經二十二音義引遂深也蓋古本無遠字廣雅釋詁楚辭招魂注皆云遂深也離騷云閨中旣遂遠兮遂遠猶言深遠遂兼遠言其不訓遠可知

王逸注遂深也

惟後漢書班彪傳

注云遠古猶遠古也文選典引作遂古亦訓遠古蓋深與遠義本相成許書固訓深不訓深遠也玉篇引同今本疑後人據今本改

窅深遠也从穴幼聲

窈杳窈也从穴條聲

濤案文選魏都賦注引窈窕深遠也蓋古本如是窈乃窈字之假此文當云窈窈深遠也窈窈窈也二徐不知篆文連注讀之例刪去窈字又誤窈爲杳後人遂不知窈窈爲雙聲字矣他書諸言窈窕言杳窈者皆窈窈之假借長門賦注引無窈字乃節取窈字之義崇賢引書之例往往如此

肉窀穸也从穴夕聲

壽案文選謝惠連祭古冢文注引窆葬下棺也葬下棺乃窆字之訓案上文窆字注云窆葬之厚夕雖與左傳杜注訓窆爲厚訓窆爲夜相合然葬之厚夜語頗不詞疑古本作窆穸葬下棺也窆窆也選注窆上亦應有窆字

瘳部

瘳寐而有覺也从宀从𠂔夢聲周禮以日月星辰占六瘳之吉凶一曰正瘳二曰噩瘳三曰思瘳四曰悟瘳五曰喜瘳六曰懼瘳凡瘳之屬皆从瘳

壽案廣韻一迭引瘳寐而有覺周禮以日月星辰占六瘳之

吉凶一曰正寢無所感動平安自寢二曰愕寢愕而寢三曰
思寢覺時所思念之而寢四曰寤寢覺時所當有道之而寤
五曰喜寢喜悅而寢六曰懼寢恐懼而寢是今本爲二徐安
節多矣愕寢二字亦與今本不同

𢄂病臥也从寢省變省聲

潯案廣韻四十七寢引作寢蓋古本篆體作寢嚴孝廉曰變
省聲省山非省文也

𢄂臥驚也一曰小兒號寤寤一曰河內相評也从寢省从言

潯案汗簡卷中之一𢄂𢄂見說文是古本此字尙有重文

尸部

𠂔 倚也人有疾病象倚箸之形凡𠂔之屬皆从𠂔

𠂔 案玉篇尙有疒字云籀文是古本此字有重文今奪

𠂔 病也从𠂔間聲

𠂔 案一切經音義卷十二引癰風病也是古本有風字今奪

𠂔 頭痛也从𠂔或聲

𠂔 案玉篇引也作兒義得兩通

𠂔 癢也从𠂔決省聲

𠂔 案廣韻十六屑引癢作爲乃傳寫奪𠂔頭

𠂔 頭痛也从𠂔嬰聲

𠂔 案莊子德充符釋文御覽七百四十疾病部皆引作癰也

無頸字蓋古本如是莊子釋文又別引字林作頸痛也則今本乃涉字林而誤耳

腫 頸腫也从疒婁聲

瘳 案一切經音義卷十八引作頸腫病也病字蓋衍

疝 小腹病从疒肘省聲

瘳 案廣韻四十四引作小腹痛義得兩通

疥 搔也从疒介聲

瘳 案文選登徒子好色賦注御覽七百四十二疾病部皆引疥瘳也禮記內則釋文引疥瘳瘍也是古本作瘳不作搔元朗所據本并有瘍字許書無瘳字當是二徐本奪左氏昭二

十年正義仍引播乃假借非正字

𤑔 小腫也从疒坐聲一曰族𤑔

濤案左氏桓六年傳云爲其不疾族𤑔也釋文云蠡說文作𤑔云疾𤑔皮肥也是元朗所見本有疾𤑔二篆二徐改爲族𤑔以作𤑔字之一解矣

又案一切經音義卷二十引𤑔腫也乃傳寫奪一小字他卷皆引同今本可證玉篇所引亦同

𤑔 腫也从疒且聲

濤案後漢書劉焉傳注一切經音義卷九卷十卷十八卷二十皆引疽久𤑔也是古本有久字音義卷一引同今本乃傳

寫偶奪

𦞙 寄肉也从尸息聲

瀉案一切經音義卷二引作寄肉也乃傳寫偶奪寄字之半
卷十八引作寄肉可證御覽三百七十五人事部亦引作寄

𦞙 女病也从尸段聲

瀉案詩思齊正義引作病也蓋古本無女字史記倉公傳曰
潘滿如小腹痛臣意診其脉曰遺積瘕也女子薄吾病甚臣
意診其脉曰蟻瘕也是瘕不得專屬女矣玉篇訓爲久病則
女字或久字傳寫之誤

𦞙 惡疾也从尸薑省聲

三
濤案詩思齊正義引癘疫疾也或作癘是古本不作惡疾公
羊傳作癘注云癘者民疾疫也是古訓以癘爲疫疾孔云或
作癘則古本此字有重文从賴玉篇云癘力誓切疫氣也說
文本力大切惡病也是所據本又不同

癘熱寒休作从疒从虐虐亦聲

濤案左傳昭二十年正義引作熱寒并作義得兩通御覽七
百四十二疾病部引同今本

疒有熱瘡从疒占聲春秋傳曰齊侯疥遂疒

濤案御覽七百四十二疾病部引無有字乃傳寫偶奪顏氏
家訓書證篇左氏昭二十年傳正義引皆有之可證

疔 二日一發瘡从疔亥聲

海案顏氏家訓書證篇引作二日一發之瘡是古本有之字
今奪

痲 痲病从疔林聲

海案一切經音義卷二十引作小便病也蓋古本如是痲之
與痲病不相同本部訓痲爲腹痛釋名釋疾病痲詵也氣詵
詵然上入而痛也淋慄也小便難慄慄然也是淋痲爲二症
古今無異不得訓痲爲痲今本之誤顯然

瘰 瘰氣足腫从疔童聲詩曰旣微且瘰釋文从允

海案爾雅釋訓釋文云瘰本或作瘰同並縮文瘰字也是古

本尙有重文燿篆玉篇亦云籀文作燿或作燿

又案汗簡卷中之一引說文瘡字作瘡是古本尙有重文古文瘡字今奪

瘡 瘡瘡也从疒有聲

瘡 瘡文選稽叔夜幽憤詩注引瘡瘡也蓋古本一曰以下奪

瘡 動病也从疒蟲省聲

瘡 瘡案一切經音義卷七卷十四卷十八引瘡動痛也蓋古本如是今之瘡字卽瘡字之俗自應作痛不應作瘡

瘡 痛也从疒否聲

壽案御覽七百三十八疾病部引痞腹病也蓋古本如是廣
韻曰腹內結痛正合腹病之義若如今本則凡痛皆爲痞矣
今人猶言腹中癥結爲痞

疝久病也从疒古聲

壽案一切經音義卷二十四引疝病也乃傳寫奪一久字文
選劉公幹贈曹丕詩注引疝久也乃傳寫奪一病字皆非古
本如是疝卽痞字之別體玉篇疝久病也疝同上以疝爲正
文疝爲或字古本當有重文疝篆桂大令以爲疝疝異體非
也

癰朝鮮謂藥毒曰癰从疒勞聲

海案廣韻三十七號引朝鮮謂下有飲字蓋古本如是小徐本亦有飲字

瘵 減也从疒衰聲一曰耗也

海案一切經音義卷一引瘵減也亦損也卷二十五引瘵減也損也是古本尚有損也一義

瘵

海案詩卷耳釋文云廸說文作瘵隕說文作頽即頽字之別是古

本有瘵篆今奪字當从疒長聲引詩云我馬瘵瘵

瘵

海案文選謝靈運登海嶠詩注引瘵瘵也是古本有瘵篆今

奪列子楊朱篇心痛體煩

補

癢

海案一切經音義卷十八卷二十二兩引癢逆氣也是古本有癢篆今奪

補

癢

海案列子黃帝篇釋文引癢疼痛也是古本有癢篆今奪篇韻皆有癢字

補

癢

海案龍龕手鑑引云瘡勞病也是古本有瘡篆此字見詩爾雅不應爲許書所無

冂部

𡩂 奠爵酒也从冂託聲周書曰王三宿三祭三託

澣案書顧命釋文引作奠爵也是古本無酒字韻會二十二
禡引亦無之是小徐本尙未誤衍也

冂部

冢 覆也从冂豕

澣案華嚴經音義上引說文曰蒙謂童蒙也蒙卽冢之假借
从艸者爲王女經典借用爲童蒙蒙覆字慧苑此引亦卽冢
字之一訓今本爲二徐妄刪

又案目部矇童矇也段先生曰此與周易童蒙異謂目童子

如冢覆也以慧苑書證之此實冢字之一解二徐刪之而妄
竄於彼耳說詳目部

曰部

冕大夫以上冠也遂延垂瑩統纁从日免聲古者黃帝初作
冕統冕或从糸

濤案御覽六百八十六服章部引古者作昔作制義得兩
通

兜兜鍪也从日由聲重司馬法冑从革

濤案左傳僖二十二年正義御覽三百五十六兵部皆引冑
兜鍪首鎧也兜鍪首鎧乃兜部兜字之訓引書者櫜括節引

非古本有此二字也尙音費誓正義引胃兜鍪也兜鍪首鎧也分引明晰可證

又案初學記卷二十二武部引首鎧謂之兜鍪亦曰胃亦是并引胃兜二字訓解

同冢而前也从目从囧古文目

濤案文選顏延之拜陵廟作詩注引冒覆也蓋古本尙有此一解廣韻三十七號亦冒覆也

网部

网庖犧所結繩以漁从口下象网交文凡网之屬皆从网罔网或从囧网或从系囧古文网罔縮文网

濤案御覽八百三十四資產部引以漁上有以田二字下有也字廣韻三十六養同蓋古本如是許君本用易繫傳語罔不盡爲漁者之用捕鳥之罟罔兔之罟皆田獵之物今本乃淺人所刪

又案汗簡卷下之一絲網見說文是古本尙有此重文今奪又案玉篇罔古文罔則今本作籀文者誤也罔罔二篆古文籀文疑傳寫誤易

罔周行也从网米聲詩曰罔入其阻卓果或从卣

濤案詩殷武釋文引作冒也蓋古本如是六書故言鄭箋訓冒與說文合則戴氏所見本亦作冒不作周行周行義不可

解小徐本作周亦是冒字傳寫之誤淺人又妄加行字耳

罟魚罟也从网瓜聲詩曰施罟滅滅

濤案御覽八百三十四資產部引無魚字乃傳寫偶奪

罟釣也从网民聲

濤案御覽八百三十四資產部作𦉰也蓋古本如是爾雅釋罟𦉰罟謂之罟釋文罟本或作民釣也𦉰非可釣之物乃後人據今本說文改非陸氏原文廣雅畏兔罟也劉逵吳都賦注畏麋網也皆爲𦉰罟之用

罟捕鳥网也从网尉聲

濤案御覽八百三十二資產部引無网字乃傳寫偶奪詩魚

麗正義引同今本可證

𦉳 兔咭也从网否聲

濤案後漢書寇榮傳注引作兔网也義得兩通

𦉳 馬絡頭也从网从𦉳𦉳馬絆也𦉳或从革

濤案左氏僖二十四年正義引羈馬絡頭也又曰馬絆也是馬絆乃羈字之一訓非解𦉳字也一切經音義卷十五引革絡馬頭曰羈乃元應繫括節引之然所據本絡頭上當有一革字文選曹子建白馬篇注引無馬字乃傳寫偶奪

𦉳部

𦉳 覆也从口上下覆之凡𦉳之屬皆从𦉳讀若晉

濤案五經文字云而从口上下相覆之形蓋古本如是今本
為二徐妄節

雨
爾實也考事而竿邀遮其辭得實曰覈从而敷聲覈覈或从

濤案後漢書和帝紀注文選長笛賦注一切經音義卷七卷
十二皆引覈考實事也蓋古本如是今本考事以下十二字
當是庾氏注語以釋考實事之義後人妄以覈入正文遂將
正文攷事二字刪去誤矣音義引此四字下尙有亦審覈之
也五字似亦非許君原文

巾部

般巾覆衣大巾从巾般聲或以爲首鞞

濤案後漢儒林蔡邕傳注引鞞覆衣巾也蓋傳寫奪大字文選思予賦注引有大字可證首鞞選注作首飾蓋古本如是今本作鞞誤

世而紳也男子鞞革婦人鞞絲象繫佩之形佩必有巾从巾

濤案御覽六百九十六服章部引鞞絲作絲帶佩必有巾作帶必有巾蓋古本如是佩有巾乃佩字之解廣韻亦作帶亦有巾故从巾

幅禪帳也从巾鬲聲

濤案類聚六十九服飾部御覽六百九十九服用部引禪作

單蓋傳寫偶奪偏旁非古本如是詩小星抱衾與裯傳裯裯被也裯爲裯被則裯爲裯帳

帷 在旁曰帷从巾佳聲匱古文帷

濤案文選潘尼迎大駕詩注引帷車飾也蓋古文尙有此一解今奪旁初學記二十器用部云一本作房非

帳 張也从巾長聲

濤案止觀輔行傳七之四引四合象宮室張之曰帳是古文尙有此九字今奪

幕 帷在上曰幕覆食案亦曰幕从巾莫聲

濤案御覽七百服用部引覆上有蒙之二字蓋古本如是今

奪一切經音義卷六引幕覆也乃節引非完文

帖 帛書署也从巾占聲

濤案九經字樣作帛署書也蓋古本如是今本二字誤倒

徽 幟也以絳微帛箸於背从巾微省聲春秋傳曰揚徽者公徒

濤案左氏昭二十一年釋文引幟作識蓋古本如是許書無幟字新附始有之古旌幟字只作識

幡 書兒飾觚布也从巾番聲

濤案御覽三品士部引幡幟也幟卽識字之別是古本有此一解又本部前幡幟也或疑御覽傳寫奪前字然此引在旛

條下則非帛字之解可知旛字在於部幡字在巾部古書皆相亂此或爲於部之奪文

幘車弊兒从巾單聲詩曰檀車幘幘

濤案詩杜杜釋文幘幘尺善反敝兒說文云車敝也列敝兒於引說文之上是古本作也不作兒

席籍也禮天子諸侯席有黼黻純飾从巾庶省𠂇古文席从石省

濤案籍御覽七見服用部引作藉蓋古本如是籍爲部書非此之用

𠂇金幣所藏也从巾奴聲

潯案後漢書桓帝紀注引幣者金布所藏之府山鄭公傳注
引同是古本幣作布藏下尙有之府二字今本認奪殊甚布
謂錢布者字乃引書時所足鄧禹傳注御覽百九十一居處
部又引作金帛所藏布帛義得兩通無之府二字乃節引非
完文一切經音義卷七亦有之府二字幣字同今本卷十二
同奪之字白帖十一引幣作布亦無之府二字初學記居處
部同白帖左傳文六年正義引同今本是古本亦有如是作
者



南郡蠻夷賓布从巾家聲

潯案後漢南蠻傳注引作南蠻夷布也御覽七百八十五四

夷部通典一百八十七引作南郡蠻夷布也蓋古本無賁字
郡字亦衍魏都賦曰賁布積帶注引風俗通曰縑瓠之後輸
布一疋小口二丈爲賁布廩君之巴氏出幪布八丈

幪 縑布也从巾辟聲周禮曰駟車大幪

壽案五經文字云幪車覆笭也蓋古本如是周禮巾車幪作
幪注引鄭司農云大幪以大皮爲覆笭儀禮既夕禮云主人
乘惡車白狗幪注云幪覆笭也以狗皮爲之取其膺也則覆
笭不盡用縑漆矣

幪 領端也从巾取聲

壽案廣韻二十九葉引作衣領端也是今本奪一衣字玉篇

此字注亦有衣字

白部

皤

老人白也从白番聲易曰賁如皤如皤皤或从頁

濤案易賁卦釋文引作老人兒文選辟雍詩注後漢班固傳注亦引皤老人兒也是古本作兒不作白今本乃傳寫偶奪其半字耳御覽三百八十八人事部引作老人色也色亦兒字之誤

皤

霜雪之白也从白豈聲

濤案文選北征賦注引皤皤霜雪白之兒也蓋古本如是後漢張衡傳注引皤皤霜雪之貌也乃傳寫奪白字文選劉楨

贈五官中郎將詩注引皚皚霜雪兒并奪之字初學記二御覽十四天部引同今本蓋古本亦有如是作者

皚皚也从三白讀若皎

滄桑文選陶潛還江陵夜行塗口詩注引通白曰皚皚明也蓋古木如是皚从三白故爲通白然他注所引皆同今本當是一解

甫部

皚 帔也一曰敗衣从支从甫甫亦聲

滄桑汗簡卷中之一皚皚見說文是古本此字尙有古文今奪

粉會五采縉色从帶粹省聲

澇案廣韻十八隊引色作也蓋傳寫奪一色字今本亦奪也

補
粉

澇案書益稷釋文云粉米說文作粉粉徐本作粉音米徐本
謂徐仙民本也然則古本說文帶部有粉而糸部無粉訓解
當云繡文如聚細米也从帶从米米亦聲今本此部奪去粉
字而於糸部妄增絲字以絲字之訓釋移於彼處二徐之無
知妄作如此